



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt XVII. Multa Suavis vitia. Agitata Tridenti ac Romae de praerogatiua  
inter Oratores duorum Regum, & inita pro coetibus concordia. Sententia  
Archiepiscopi Lancianensis aduersus contumaciam ...

**urn:nbn:de:hbz:466:1-11718**

Multa Suavis vitia. Agitata Tridenti ac Romæ de prærogatiua inter Oratores duorum Regum, & inita pro cœtibus concordia. Sententia Archiepiscopi Lancianensis aduersus contumaciam absentium Germanorum; & lis iterum excita per eam occasionem de facultate Procuratorum in Concilio. Moronus Tridentum reuersus: noua prorogatio usque ad decimum quintum Iunij.

<sup>1</sup> **A**d uitandam interruptionem narrationis, molestam lectibus, omisi pluribus in locis frequentem Suavis malitiam notare; & tamen ne illam obliuiscar oportet: etenim obtructio eiusmodi vim obtinet ad persuadendum, ut humanæ fiduci possessionem adipiscatur, vbi recentes in memoria non vigent exceptiones contra testem maledicuum.

Affert ille epistolam, à Soto scriptam ad Pontificem, quâ ipsum cohortabatur ad assentendum, ut definiretur, mansionem institutionemque Episcoporum esse iuris Diuini; & diuersus ab illo qui cvipera medicinam extraxit, nititur è laude vituperationem extorquere, narrans, à plerisque tunc fuisse perpensam eximiam probitatem illius viri Deo mancipati, temporisque conditionem, nullius suspectam fraudis, in qua scriptum illud dictauit. Benè est: Due quas diximus opiniones Soti Apostolicæ Sedi non aduersantur, nec ipsa sui etiam studiosos vetuit illas tueri, tametsi studeret id temporis earum definitionem declinare, ne id quod verum est, ab hominibus seditiosis adhiberetur quasi vincus ad falsum. Sed cur ille silentio præterit, Sotum in eadem epistola profiteri supremam Romani Pontificis auctoritatem supra Concilium, & auctorem esse, vt id aperte pronuntiaretur, refellentem oppositum opinamentum, tamquam schismatum seminarium? & tamen hæc est columna præcipua, quæ sustinet Vaticanum, hoc est arcem illam, aduersus quam singulæ Suavis periodi singuli quasi cuniculi sunt.

<sup>2</sup> Prætereà scribit id quod legit in litterarum volumine Vicecomitis ad Borromæum: cum Granatensis cum alijs Hispanis Episcopis Lunensem adjisset, abeuntibus deinde duobus ex illis, ipsum in duos illos oblocutum fuisse formulis aspernantibus, utpote in eos qui se abduci sinerent ab aliorum voluntate, nec amplius prodeſſe, quam ad numerum exaugendum, eumdemque subdividisse,

# 18. Maij  
1563.

1563. disse, vbi decernendæ res essent pro maiori suffragiorum numero, sicuti haec tenus, parum bona spei concipi posse, adeoque optere ut non hominum, sed nationum ratio haberetur. At vero cur obtegit silentio, eumdem Granatensem verbis grauidis apertisque affirmasse, sicuti ostendimus, in cœtu Generali, Romanum Pontificem Concilio non subiacere, & esse numen quoddam in terris. Præterquam quod animaduertendum à Suaui fuisset, à se per hujusmodi narrationem suam imprudenter proprias ipsius machinas percelli, si maior numerus aduersus Granatensem pugnabat, numerum pro sententijs Pontifici propitijs. Igitur ipse, & non Pontifex, intendebat libertatem Concilij violare, cum in omni communitate magis integra libertas non sit, quam vbi præualet id quod maiori parti probatur; adeo ut adnotauerit Seneca, in Rerum publicarum diuisionibus ab ijsse in adagium, *Maior pars pro me stat*, tamquam argumentum causæ pro se legitimæ, & seditiosæ ex parte contrarij; præsertim cum duo illi, de quibus loquebatur Granensis, Hispani essent, & non Itali.

Inducitur à Suaui Lotharingus, affirmans in sua exposita sententia, munera Episcopi & Cardinalis inter se repugnare, & idcirco improbans, Cardinales simul Episcopos esse: at vero Lotharingus oppositum aperte pronuntiavit. Inducit eumdem etiam multa dicentem, quæ ille non dixit, & multa valde grauia reticentem, quæ ille non reticuit. Omitto, nihil à Suaui memorari de illa diuisione differendi duplo tempore, quæ adeo fuit oppugnata: sed pro certo assumit, cuncta in unico cœtu fuisse prolatæ. Subiicit, in aliorum sententijs nihil notabile auditum; adeoque ignorat quæ ab Archiepiscopis Lancialensi & Granatensi dicta sunt, de quorum altero paulo ante sermonem habuimus, de altero breviter habebimus. Vnde quoque originem ignorat laboriosi cuiusdam litigij, Lancialensis causâ, quod ille alij falsoque principio adscribit.

Iam vero historiam prosequamur. Lunensis Regis animum eudem nomine luculenter significarat, paratum ad Sedi Apostolicæ fauendum; nec Piscarius destiterat hoc ipsum inculcare, detento illic Pagnano, qui à Secretis erat, diutius quam alioquin opus effet<sup>b</sup>, quod in nouum Oratorem salubres sensus affunderet, nec sub primum accessum illum permouendum relinqueret impresionibus quorumdam, dissidentium potius quam Religioni studiū; simul etiam suis litteris illius causæ patrocinium commendarbat nonnullis Patribus sibi magis intimis, meliusque animatis.

<sup>b</sup> Multæ litteræ originales Pagnani ad Piscarium.

1563.

tamen Lunensis animus, inter contrarias quæ sibi ingerebantur notitias atque consilia, adhuc ances diuisusque pendebat. Sed non minorem illi sollicitudinem propria causa quam communis inculserat. Quamvis vulgarent Galli, se cum Hispanis coniunctos, dissensionemque de loco iam compositam; & tamen reuerâ ut cum maxime incomposita persistebat, quin potius periculum tumultuationis fuerat postridie quam Lunensis aduenerat. Etenim cum in eum diem incideret tertium Paschatis festum<sup>e</sup>, adeoque solemnis haberetur in templo maximo celebratio, Lunensis incerto peperdit animo num illic adesset; de quo admonitus Didacus Sarmentus Episcopus Asturicensis, conatus est pro virili Comitem remouere: & obseruatum est, eo manè Lansacum solito seriùs ad functionem aduenisse, ex eo fortassis, quod hoc ipsum æmuli consilium subodoratus, voluerit prius de re certior reddi, & non pergere in templum ad confligendum; quemadmodum prudentis est consilij, ne is, qui nouit in aperto pro se rationem stare, cœco violentiae iudicio sententiam committat. Quare in eiusmodi euentu non alio confugisset nisi ad contestationes præconceptas, quas ad Praesides mitteret, sibi cauturus, vbi illi auctoritate suâ ipsius possessionem haud tuerentur. Sed Lunensis se ab accessu abstinuit, vulgarisque, non anteâ sibi innotuisse, solemne sacrificium eo die in templo primario celebrati, cum pietatis simul & curiositatis gratiâ sibi venerat in mentem eò se conferre.

<sup>e</sup> Variae litteræ Vicecomitis ad Bonom. 19.12. & 28. April. & 8. Maij 1563. & Acta Salmanticensis.

Iam verò tum ipsi, tum Hispanis communiter consentaneum videbatur, à Pontifice acriori curâ interpositum iri auctoritatem suam ad aliquam honestam concordiam ineundam. Sed Pontifex summa moderatione in eo vtebatur, gnarus, quantum non modò Rex, sed Regnum Galliarum offendetur ex quo quis leui attractu huius quasi ipsorum pupillæ; nec opportunum consilium ratus, ansam à præberi compluribus seditionis ingenij in ea regione, attollendi veluti speciolum vexillum honorem nationis, ad ipsam ab alienandam à Sede Apostolica, quasi hæc cuperet antiquis prærogatiis Galliam spoliare. Ex altera parte conquerebatur Philippus Rex, quod ipse constantior esset in retinenda Pontifici obedientia, eò minus constanter se gerere Pontificem in retinenda ipsius dignitate: atque ea de re acerbam epistolam scripsit ad Oratorem Vargam, in qua dicebat, Si tunc ut Dei causæ seruiret, dignitatis sue rationes in Concilio neglexerat, eo absoluto amotum iri à se Româ suum omnem Oratorem. Quâ epistolâ mirum in modum commotus Pontifex, ad se purgandum respondit: Hispanienses ipsi per

Pars III.

M m m

suam

6153. suam fidem disertè proferrent, quæ confici ab ipso possent absque ijs perturbationibus ac tumultibus , à quibus idem supra ceteros abhorrebant. Et sanè Lunensis ipse illius epistolæ Regiæ sententiam tamquam nimis acerbam improbavit, sapienterque considerauit, par non esse, vt Principes ad ea denuntianda progrediantur, quæ fortasse numquam prudenter efficienda putabant, ne eo pacto minarum suarum estimationem eleuent. Itaque nullo peculiari Pontificis mandato tunc accepto, nec innouandi facultatem obtinibus Legatis, consilium opportunum haud suppeterbat. Primum apud se Lunensis statuerat cœtum adire medius inter duos Oratores Cæsareos, pro eo quod ipsi in mandatis habebant, & è regione Legatorum omnes tres tantisper stare, dum ipsius litteræ legerentur, ijsque lectis confessim abire: sed ea ratio interueniendi conuentu, insolens, & quasi nebulosa, nec honorifica Regi, neque grata Concilio videbatur. Dein agitatum est, ne Galli eâ vice ad conuentum accederent: sed illi reluctabantur, ne locum vel vnicum quidem die desererent: præterquam quodd nec voluntaria Gallorum absentia per diem vnicum, discordiæ componendæ satis erat: Hispanus enim acquieturus non fuisset perpetuo postmodum exilio à conuentibus. Verùm sicuti forma mixti, quæ inter varia elementa dominatum amat, plurimum valet ad consocianda contraria illorum ingenia; ita non parum contulit ad mitigandam Gallorum austernitatem proclius Lotharingi animus, huiusmodi discordiæ cupiensissimi, vt qui maximum emolumentum existimabat suæ dignitati suisque consilijs accessurum ex aliquo suorum fœdere, saltem per speciem, cum Hispaniensibus ac Cæsarianis, cuius fœderis ipse auctor esset & rector, ad quod persuadendum nullum lapidem non mouebat. Ipsius igitur auctoritas, Præsidum studijs accedens, effecit vt lis compонeretur pro cœribus modo alijs propposito<sup>8</sup>, videlicet, vt illic Oratores Gallici gradum pristinum retinerent, Hispanus verò federet extra ordinem, prope eum qui erat à Secretis, ex aduerso Legatorum.

Non mediocriter optabant Hispani, vt eādem operā iniretur, aliqua ratio pro Sessionibus, & pro sacris celebrationibus in templo maximo, sed nullo pacto confici id posse videbatur, ob causam alibi memoratam, cūm illic ritus quidam adhiberentur, cuiusmodi sunt thuris suffitus, & iconculæ paciferæ ad osculum porrectio, in quibus dissimulari non poterat prærogativa. Et quamquam differeretur de duobus paciferis iconculis, duobusque thuribulis eadem tempore adhibendis, Galli quacumque proposita æqualitate

<sup>4</sup> Litteræ Le-  
gatorum ad  
Borromæum  
20. Maij  
1563.

1563.

fremebant; & vbi in eo se premi à Legatis sentirent, minabantur se prouocaturos ad futurum Pontificem, non iniustum, nec vlli partium addictum, & ad Synodum liberiorem. Quamobrem necesse fuit Legatis, se ad extremum, sibiique semper odiosum consilium coniucere, nimirum, ut nodum illum, ipsorum manibus inextricabilem, reponerent in manu Pontificis, ad quem vtraque partium sua se iura dixit allaturam.

Molestiae quam exhibebat æmulatio laicorum Oratorum, accedit altera ex Procuratorum Ecclesiasticorum postulato; cui causam seu potius occasionem præbuit Lancianensis dictum. Is die

decimo septimo Maij <sup>e Acta arcis</sup>, cùm pronuntiaret sententiam super tertio <sup>Elia, & litteræ Legato-</sup>  
Canone de abusibus, præscribente Episcopis, vt per seipso, non <sup>rum ad Bot-</sup>  
item per alios conferrent Ordines, dixit: Si Episcopi suo munere <sup>rom. & la-</sup>  
fungerentur, Ecclesiam reformatum iri; nam & residerent, & pa-<sup>drensis ad</sup>  
scerent; at è contratio ab Episcopis Germaniæ, & in primis à Cornelium  
Septemuiris suas Episcoporum Infulas quasi contemni: & per hunc <sup>17 Maij</sup>  
dicendi æstum conuerlus ad Drascouizium addidit: Te alloquor,  
<sup>1563.</sup>

Reuerendissime Domine, tamquam Oratorem Cesari, quænam est ratio,  
cur Episcopi Germaniæ, ac præcipue Septemuiri ad Synodum non conueniant, negligentes deponentesq; è memoria iusurandum ab ipsis hac de re  
in ipsorum electione editum: si frenis, si stapedibus aureis vtuntur, si cum  
tanta pompa, tantoq; comitatu obequitant, si Principes & Ecclesiastici &  
laici sunt, cuncta hec obtinent, quia sunt Episcopi; & tamen nolunt in-  
tere se Concilio. Vbi præpedirentur, oporteret procuratores ab ipsis mitti,  
scut effectum est ab Archiepiscopo Salisburgensi, & ab Episcopis Eistatenſi  
ac Basileensi, quo pacto aliqua ex parte suo muneri satisfacerent. Inde ad  
reliqua argumenti capita progressus est, numquam interpellatus.  
Vbitacuit, ita Drascouizius: Tametsi ipse Ferdinandi tamquam  
Cesari Orator non esset, sed tamquam Hungariae Regis, tamen  
quando Lancianensis ipsum interpellarat, nolle se à responso  
abstinere. Causam cur Episcopi Germaniæ non accederent, esse  
notoriæ, periculum scilicet, ne ipsis abeuntibus hæretici di-  
tiones eorumdem occuparent. Causam verò, quâ detinebantur  
ne suos Procuratores legarent, esse, ne illos destinarent ut  
muti & obstrictis linguis, quasi statuæ aut pictæ tabulæ postre-  
num locum occuparent. Ætate Pauli III. Procuratoribus Præ-  
sulum Germanorum præstitum fuisse ius suffragij, & etiam  
sub viuente Pontifice usum semel eo iure fuisse Procuratorem  
Salisburgensis Archiepiscopi; se verò ignorare posteà, quo pa-  
cto, & qua de causa hoc ipsis interdictum fuerat. Cùm autem

M m m 2

id

1563. id pluribus prosequeretur, intra formas magnæ modestia se continebat.

Ad hoc ipsum intelligendum operæ pretium est, ut nonnullare petamus quæ alibi spartum à nobis scripta sunt, simulque ea, quæ hactenus narrata non sunt adjiccamus. Sedente Paulo III. animaduersa complarium Episcoporum negligentiā in adeundo per se ipsos Concilio, & quādam Neapolitani Proregis iussione, ut solū quatuor ad illud se conferrent, cum mandatis omnium illius Regni Episcoporum, summa ex eo incommoda sunt praewisa, dum aut ministri minimæ notæ, aut electi pro libidine Principum ex Præsulibus innumeris variorum Regnum, Concilium regerent, eique imperitarent. Quocircà Pontifex per diploma statuit, Procuratoribus nulla inesset facultas quidquam legitimè agendi, præter excusationem absentie Episcoporum, à quibus mittebantur, illius absentie adductis causis, reuocauitque quodcumque eorum ius aut privilegium impetratum. Cùm autem idem postea à Legatis cognosceret, Procuratores quorundam Ecclesiasticorum Principium Germanorum fremere ob eam causam, eumdemque acerbatis sensu timeri in cunctis Germanis Præsulibus, peculiari diplome

g. 1. Decemb. 1545.

exēmit Procuratores Episcoporum illius regionis, de quorum impedimento videbatur aperte constare, cum ipsorum dicentes ab armatis hereticis cingerentur, adeoque presentia pastorum indigerent. Verum Legati, qui apud Pontificem illius immunitatis auctores fuerant, veriti postea tum ne quis excitaretur tumultus ob insignes Præsules aliaruin nationum, tum ne Germanorum Procuratores adeo inundarent, vt alij nationi suffragio antecellerent, effectusque prauos afferrent, conati sunt Germanos pacare, quos ex consensu Pontificis priuilegium illud celarent, & tantummodo Principis cuiusdam Procuratoribus, vt Iao Augustani Cardinalis, & Pelargo Septenarius Treuirense, ius Consiliarij permiserunt. Pij aetate Massarellus, qui à Secretis erat, cùm reminisceretur huiusce priuilegij, anteā Germanis concessi, nec vñquam reuocati, admisit in quodam coctu ad ius suffragij Procuratores Archiepiscopi Salisburgensis, & Eistatenis Episcopi, quod Legatis vehementer displicuit, qui cohortati sunt Pontificem, vt per suam nouam Constitutionem priuilegium illud Pauli diserte reuocaret. Is respondit, improbans quod egerat Massarellus, significauitque, in Senatu editum fuisse Decretum, vt absentibus quodcumque ius suffragij interdiceretur, iussimque diploma confici, quod tamen relatis. i Litteræ Botrom, ad Legatos 29. Iulij 1562.

b. 20. Iulij  
1562. vt in  
vna Legato-  
rum ad Bor-  
rom, eo die.  
Mandatum  
Archiepiscop-  
pi signatur  
23. Aprilis  
1562. datum  
Herculi Ret-  
tioger Episc. Lauertutensi, & Feliciano Morbino Theologis Doctori, & extat in Scriptis post Diuina

nondum perfectum fuerat, sed curaturum se ut illud conficeretur, 1563.  
ac per typos vulgaretur, & ad illos missurum, atque ita re ipsa præ-  
stit per subsecutum tabellarium <sup>k</sup>. Verumtamen existimauit, <sup>k 8. Augusti</sup>  
huiusmodi reuocationem, quò minus obstreperet, esse celandam, ita <sup>1562.</sup>  
ut vsu dumtaxat illa ostenderetur, nec Tridenti, nec Romæ citra ne-  
cessitatem vulgata. Legati rescripsérunt, Vniuersalem hanc inter-  
dictionem haud reputatum iri efficacem ad eneruandam peculia-  
rem concessionem Pauli III. quâ Præfules Germaniæ potiebantur.  
Quare Pontifex denuo declarauit <sup>l</sup>, illud quoque priuilegium ex-  
tinctum intelligi. Hæc erat rerum conditio cum Drascouizius re-  
spondit ad Lancianensis dicta, quæ retulimus.

9. Simonetta, qui vnicus inter Legatos vtroque tempore Conci-  
lio adfuerat, adeoque rei benè conscius, redigit in memoriam, di-  
ploma illud Pauli III. numquam in vsu fuisse, nisi quod spectabat  
ad ius Consiliarij, adiecitque, eiusdem reuocationem postea subse-  
cutam: reuerà semel fuisse latum iudicis suffragium à Procuratore  
Archiepiscopi Salisburgensis, ætate Pij, sed ex errore; eaque reuoca-  
tione postmodum ab ipso cognitâ, non amplius id ab eodem  
tentatum. Nec ille absque necessitate voluit mentionem facere  
duorum diplomatum, quibus meiorati Pontifices non tam irrita-  
fecerant concessa iam priuilegia, quam disertè interdixerant Pro-  
curatoribus vtrumque iuris in dicenda sententia genus, etiamsi  
illud per se ipsis deberetur: id enim odiosam speciem præ se tu-  
lisset, quasi Episcopis ipsorum iura tollerentur, fractâ communi lege,  
non ad afferendum beneficium, quod illo affectis optabile est, re-  
liquis tolerabile; sed ad illud auferendum, quod lassis intolerabile  
est, cunctis vituperabile. Tum stans Ferrerius, nictansque prius  
Lotharingo, perinde ac si loqui vellet de re inter ipsos compo-  
sta, dixit: Complures optimos Galliæ Præfules ad Concilium ven-  
tueros fuisse, nisi custodia suarum Ecclesiarum ab haeticorum insi-  
dijs eos detinuisse: eapropter missos illuc ab ipsis fuisse Procu-  
ratores suos, viros doctos & integros, ac proinde Legatos à se orari,  
vt ad ius suffragij illos admitterent, ne cui querimoniæ causa sup-  
peteret. Præfides edocti à superioribus exemplis, præfertim de  
mansione, quantò consultius declinentur quam refutentur odio-  
sa questio[n]es è conuerso iniecta, nihil responderunt, sperantes  
extum vt fortitudinem, itidem per se ipsum extinctum iri.

10. Sed subsequentibus diebus Leonardus Allerus, Episcopus Phila-  
delphiæ, Eistatensis Suffraganeus, vbi locum dicendi tenuit, primò  
acerbè questus est <sup>m</sup>, tam male fuisse habitos in Patrum sententijs <sup>m Litteræ Ia-</sup>  
Epi- <sup>dræf. 17. Maij</sup>

M m m 3

<sup>l</sup> Quod misso  
est ad Lega-  
tos 20. Aug.  
1562. & ex-  
tat ut suprà  
post Diariū.

1563. Episcopos Titulares, qualis ipse erat, quasi in conferendis Ordinibus alijsque functionibus ipsi Episcoporum munia non exercebant. Adiecit, Numquam sibi venisse in mentem, dum pergeret ad Synodum à Pio IV. conuocatam, administratam ab huiusmodi Legatis, & ex ijs Patribus conflatam, se illic hisce quasi rosis ornatum iri. Dein

\* Litteræ Legat. 20. Maij  
1563.

memoratum postulatum iterauit<sup>a</sup>, Procuratoribus propitiū. Gallici quoque Oratores Legatos adierunt, idem urgentes. Quamobrem Præsides temporis spatiū ad deliberandum petiere, scribentes interim ad Pontificem, utpote de re quæ non modò ab ipsis diplomatibus pendebat, sed quæ poterat excitare non mediocrem commotionem utriusque partium, siue ab alienatis à Concilio nationibus transmontanis, siue ipsis in eodem concessā immoderatā potentia. Proposuerunt idcirco Pontifici: Cūm Theologi complurium Regum, summorumque capitum, qui eō conuenabant, cuperent interesse cœtibus generalibus, non quod illuc verba facerent, sed quod melius possent suis dominis consilium dare, videbatur id Legatis temperamentum haud respuendum, vbi eo confessō cuncti conquiescerent: rei exitus infrā suo loco<sup>b</sup> videbatur.

\* Lib. 21. c. 1.

<sup>c</sup> Acta Arcis  
Ælia, & litt.  
Legatorum  
ad Borrom.  
17. Maij  
1563.

Dum conuentus habebatur, in quo Lancianensis huic litigio argumentum præbuit, Tridentum ex improviso peruenit<sup>c</sup>, id consulto ex improviso, Moronus Cardinalis, nondum pede confitato; eodemque die misit ad Borromæum plenam summam, à nobis recensitam, eorum quæ cum Cæsare transegerat, prater ea quæ diuisim ac subinde in ijs agendis significarat: atque inter alia tenet, potissimum suæ tractationis emolumentum fuisse optimam opinionem quam Cæsar conceperat de mente ac persona Pontificis, adeoque quidquid Pius agebat aduersus quam Cæsar melius existimat, id aliorum importunis consilijs ab eo tribui.

<sup>d</sup> Acta Arcis  
Ælia 19  
Maij 1563.

Die decimo nono Maij<sup>d</sup>, cuius postridie elabebatur terminus, denuntianda Sessioni præscriptus, deuò & concorditer hic terminus prorogatus est usque ad decimum quintum Iunij; feruente interim operâ per summum studium in publicis cœtibus, proutisque consilijs, ad componendas discordias, & exoptatum partum in lucem edendum, qui tempore tunc præscripto ad statuendum eius natalis diem, maturitatem iam nouem mensium habuisset. Sed alij hominum partus è paruis cursibus naturalibus viuis sphærx dependent, hi è concurso libero plurimarum intelligentiarum.

HISTO.